



UKA 2020/51

3/11-2020

Rachel Ingemann

Suliffeqanngitsunut matchgruppe 1-imiittunut erngerluni sulilersitsiniartarneq atorneqartalertuuppat aningasaqaarnikkut, allaffissornikkullu kingunerisassai misissorniarlugit nassuaasiornissamut Naalakkersuisut peqquneqarnissaannik Inatsisartut aalajangiiffigisassaattut siunnersuut. Nassuaat EM2021-mi Inatsisartunut agguanneqassaaq.

(Inatsisartunut ilaasortaq Simigaq Heilmann, Demokraatit)

(siullermeerneqarnera)

Demokraatit Inatsisartunut ilaasortaatitaannut Simigaq Heilmannimut, pisariaqarluinnartumik siunnersuuteqarnernut qujanaq.

Demokraatit isumaqarput, tamatta akisussaaffigipput, pitsasumik maani Nunatsinni inuunissarput. Inuiaqatigiit ingerlanneqarnerannut sapinngisarput tamaat peqataassaagut. Allatut oqaatigalugu, inuit sulisinnaasut tamarmik ilinniakkamik aallartitsisimassapput imaluunniit suliffeqarlutik.

Uani malugineqassaaq, taaguut inuit sulisinnaasut atorakku. Ima isumaqarpoq, innuttaasut soraarninngorsimasut, innarluutillit aamma napparsimasut soorunami uani pineqanngimmata.

Uannut pingaartuuvoq erseqqissassallugu, Demokraatit napparsimasut, soraarninngorsimasut imaluunniit innarluutillit pinngitsaalillugit sulisinnavianngimmatigit.

Inoqaporli amerlalaartorujussuarnik, ullumikkut pisortat ikorsiissutaanik pisartunik, aappaatigut sulinissaminnt ilinniagaqarnissaminnulluunniit naleqquttutut nalilerneqarsimasunik. Taakku inuit inuiaqatigiinnit pilersorneqarput, imminnut pilersortussaagaluarlutik. Tamanna pissuseq akisussaaqtigiiinnginnermik iliuuseqarneruvoq, tamannalu unitsittariaqarparput.

Tamanna tunngavigalugu Demokraatit siunnersuut nuannaarutigaat, tassani misissorneqalissammatt periarfissaqarnersoq suliffissaaleqisut matchgruppe 1-imiittut erngerluni sulilertissinnaanissaat. Inuit taakku erngerluni sulilertinnerisa kingunerissavaat, inuiaqatigiinnut pinngitsaaliisummik tuniseqataanissaat pisortanut ikorsiissutunik pisakkaminnut taarsiullugu. Erngerluni sulilersitsineq naapertuuppoq, Demokraatiniliu tamakkiisumik tapaserneqarluni.

Siunnersuut akuereqqullugu aammalu Inuussutissarsiornermut ataatsimiititaliamut suliareqqitassanngorlugu innersuussutigineqarpoq.